



KOMUNIKADU IMPRESA

ASSINATURA NOTA DE-ENTEDIMENTU TREINAMENTU KONA- BA DOKUMENTASAUN FINANSEIRU NO KONTABILIDADE BA MIKRO PEKENA NO MEDIU EMPRESA (MPME)

Dili, 27 Marsu 2018

Ohin Banco Central de Timor-Leste (BCTL), Instituto de Apoio ao Desenvolvimento Empresarial (IADE) no Câmara de Comércio e Indústria de Timor Leste (CCI-TL) asina nota de-entendimento halo'ó kapasitasaun no formasaun kona-ba programa dokumentasaun Finanseiru no Kontabilidade báziku ba Mikro, Pekena no Média Empresa sira (MPME).

Objetivu prinsipál mak atu mellora kapasidade liu-husi formasaun ba emprezariu sira kona-ba dokumentasaun Finanseiru no Kontabilidade báziku no intermediáriu. Hafoin ramata programa ida-ne'e, partispante sira iha abilidade hala'ó relatóriu Balanseta (*Neraca*), lukru no prejuízu (*Laba/rugi*) no fluxu de-kaixa (*Arus kas*).

Modúl manorin iha programa formasaun refere tuir padraun estabelese husi parte BCTL no IADE nian.

Alvu husi program ne'e mak Mikro, Pekena no Média Empresa sira (MPME) iha setór produtivu hanesan agricultura, pecuária, pesca, turismo no indústria doméstica mai husi munisípiu 12 nomós RAEOA.

Haktuir Diretór Ezekutivu IADE iha ninia intervensaun hateten katak relatóriu finanseiru sai hanesan obstaklu bo'ot ba emprezariu sira wainhira atu asesu kréditu iha Banku.

Presidente CCI-TL hato'ó katak liuhusi program formasaun ne'e emprezariu sira hatene oinsa prepara relatóriu finanseiru.

Ikus liu, Vise Governadora BCTL iha ninia introdusaun informa katak programa formasaun ne'e hanesan apoiu ida husi BCTL fó kapasitasaun ba emprezariu sira.

Ekipa BCTL, IADE no CCI-TL sei halo programa monitorizasaun ba pratisipante ne'ebé mak tuir ona formasaun refere hafoin sira ramata. Ninian objetivu atu haree implementasaun programma refere iha sira-nia negósiu lorloron no progresu mak partispante sira atinji hafoin tuir formasaun.

Ramata